

三十五

第四五八册

博物彙編

藝術典

醫部

四卷
(卷一四〇)

古今圖書集成

中華書局影印

小兒風寒之下、小兒諸熱之全、
喘之全、小兒諸痺中之全、小兒
之全、

鍾



欽定古今圖書集成博物彙編藝術典

第四百三十九卷目錄

醫部彙考四百十九

小兒諸熱門一

黃帝素問 通評虛實論篇

錢乙小兒直訣 諸經發熱證治 黃疸

羅天益衛生寶鑑 小兒季夏身熱黃治驗

朱震亨幼科全書 發熱 西江月

方賢奇效良方 小兒諸熱須分主治

萬氏幼科發揮 諸熱

魯伯嗣學嬰童百問 諸熱證 潮熱 壯熱 溫熱 煩躁 渴證 黃疸

王綸明醫雜著 潮熱

樓英醫學綱目 黃病

陶華六書 小兒諸熱

王肯堂證治準繩 發熱辨證 五臟熱 黃熱 熱壯熱 溫壯 驚熱 骨蒸熱 潮熱 餘熱 夜熱 積熱 寒熱 煩躁 注夏 黃疸

陳治幼幼近編 潮熱

小兒衛生總微論方 諸身熱 黃疸 渴

藝術典第四百三十九卷

醫部彙考四百十九

小兒諸熱門一

黃帝素問

通評虛實論篇

帝曰乳子而病熱脈懸小者何如

註夫病熱者皆傷寒之類也凡傷於寒藉陽氣以化熱熱雖盛不死然陽氣生於精水之中男子八歲女子七歲腎氣始實乳子天癸未至腎氣未盛

故帝有此問焉夫心主脈而資生於腎心腎水火之氣上下時交腎氣不能上資於心則心懸如病

饑而寸口之脈懸絕小者腎氣未盛也

岐伯曰手足溫則生寒則死

註伯答乳子之生陽藉後天之氣也四支皆稟氣於胃故陽受氣於四末是以手足溫者胃氣尚盛

故生寒則胃氣已絕故死夫水穀入於胃津液各走其道腎為水臟受五臟之精而藏之是先天之精猶藉後天之所資益者也又別出兩行營衛之道其大氣之搏而不行者名曰宗氣積於胃中上

出於肺以司呼吸是四支之原俞又受資於胃府所生之營衛宗氣是以手足溫者生寒者死

帝曰乳子中風熱喘鳴肩息者脈何如岐伯曰喘鳴肩息者脈實大也緩則生急則死

註此復論後天所生之宗氣而亦不可傷也宗氣者五臟六腑十二經脈之宗始故曰宗氣肩息者呼吸搖肩也風熱之邪始傷皮毛喘鳴肩息是風熱盛而內干肺氣宗氣故脈實大也夫脈之所以

和緩者得陽明之胃氣也急則胃氣已絕故死

宋錢乙小兒直訣

諸經發熱證治

潮熱者時間發熱過時即退來日依時而發此欲發驚也

壯熱者常熱不已甚則發驚癇也

風熱者身熱而口中氣熱乃風邪外感也

溫壯者肢體微熱也

發熱而不欲飲水者胃氣虛熱也用白朮散

發熱而飲水作渴喜冷飲食者胃氣實熱也用瀉黃散

按祕藏保嬰集云小兒潮熱或壯熱不退多是變蒸及五臟相勝不必用藥又多食積鬱熱由中發外見於肌表只理其中清陽明之熱而表熱自除不可認作外感用小柴胡輕利等藥重傷其內又潮熱不退恐是出痘亦當審察勿便用藥竊謂發熱飲水者熱在內不飲水者熱在外也又當以此辨之其諸熱證說見各類

黃疸

若大病後身目皆黃者黃病也

身痛背強大小便澀一身盡黃小便黃赤此黃疸也

瀉者難治

若百日或半年不因病而身黃者胃熱胎疸也若淡黃兼白者胃怯也

註按大病後身目皆黃或肢體黃胖者脾氣虧損而真臟為病宜用六君子湯參苓白朮散調補元氣病後發渴者脾氣虛而津液少也用七味白朮

散

南京中醫藥大學圖書館版權所有

南京中醫藥大學

1951

第四五八冊 之〇一葉

博物彙編藝術典第四百三十九卷醫部小兒諸熱門

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

第四五八冊 之〇一葉

散若脾經濕熱壅滯二便秘理不得疏泄而爲
患者名爲黃疸用茵陳湯初生身黃壯熱不乳便
祕此爲胎熱用地黃湯若二便赤瀉腹脹面赤飲
水用茵陳湯調五苓散若清便自調四肢並冷用
益黃散淡黃白用調中丸

元羅天益衛生寶鑑

小兒夏身熱瘵黃治驗

小兒身體蒸熱胃膈煩滿皮膚如潰橘之黃眼中白
睛亦黃筋骨痿弱不能行立此由季夏之熱加以濕
令而蒸熱薄於經絡入於骨髓使臟氣不平故脾逆
乘心濕熱相合而成此疾也蓋心火實則身體蒸熱
胃膈煩滿脾濕勝則皮膚如潰橘之黃有餘之氣必
乘己所勝而侮不勝是腎肝受邪而筋骨痿弱不能
行立內經言脾熱者色黃而肉蠕動又言濕熱成瘵
信哉斯言也此所謂子能令母實實則瀉其子也若
脾土退其本位腎水得復心火自平矣又內經曰治
瘵獨取於陽明正謂此也予用加減瀉黃散主之
朱震亨幼科全書

發熱

凡小兒有病皆熱證既不同治亦當異須明虛實不
可妄自汗下

凡傷風發熱其證汗出身熱呵欠面赤目瀼多腫惡
風喘氣此因解脫受風所致宜疏風解肌退熱先服
柴葛解肌湯發去風邪俟熱之時再服涼驚丸以防
內熱

凡傷寒發熱其證無汗身熱呵欠煩悶項急面赤喘
急惡寒口中熱氣此因解脫受寒所致宜發散寒邪

退熱鎮驚先服惺惺散發去寒邪後服涼驚丸以防
內熱
二證如小兒稟賦厚者可用涼驚丸虛怯者用胃苓
丸甚效

如傷風發熱又吐又瀉者不可發散此脾家虛怯也
以五苓散吞理中湯最效

凡傷風發熱多得於夏其證身熱自汗作渴昏睡手
足俱熱此因天氣已熱包裹太厚重受其熱也先用
白虎湯調益元散以解其熱次服調元生脈散以補
元氣

傷暑發熱多得於夏其證身熱自汗作渴昏睡手足
微冷此因陰室之中取涼太過所致先服調元生脈
散補其正氣次服四君子湯以防吐瀉之患

如夏月汗出當風以致身熱自汗不止者此名暑風
先用四君子湯加麻黃根黃芪以去其風次用益元
散以清其熱

傷食發熱其證手心熱肚背尤熱一噯氣便吐乳大
便酸臭或腹痛多啼或腹飽脹喘急不思乳食此得
之飲食過度所傷宜先利去其積用丁香醒脾丸後
以集聖丸調之如傷食已久日漸黃瘦作熱無時者
不可下輕者保和丸重者集聖丸百無一失

痘疹發熱其證面燥腮赤目泡亦赤呵欠煩悶乍熱
乍寒咳嗽噴嚏手足指冷驚悸多睡此因時行痘疹
各相傳染宜清涼解毒惟痘疹宜用參蘇飲加木香
麻疹宜荆防敗毒散不可妄用自發汗恐生變證
變蒸發熱此小兒正病不須服藥當於類下求之不
可錯誤

潮熱者當分二證有時間發熱過時即退來日依時
復發其狀如瘧此肺熱也有蚤晚發熱每日兩度如
潮水應期此胃熱也蓋因感觸邪氣以致血脈凝滯
不即流通若不治之變驚疳者多矣肺熱者地骨皮
散主之胃熱者三黃丸下之虛弱者集聖丸調之
驚熱者遍身發熱面青自汗心悸不寧脈數煩躁
叫恍惚此心熱也以涼驚丸退熱以安神丸定心
夜熱者但夜間發熱晝作便住此血虛證也以人參
當歸散治之兼服抱龍丸以防作搐

餘熱者傷寒汗下後而熱又來乃表裏俱虛氣不歸
元陽浮於外不可再用涼藥蓋熱去則寒起古人戒
之當和胃氣使陽氣收斂其熱自退參苓白朮散主
之甚者四君子湯加乾薑甚效

疳熱者形色黃瘦食不長肉骨蒸盜汗泄瀉無常肚
大筋弱此多得於大病之後失於將息又或傷飢失
飽而致集聖丸大有奇功

壯熱者一向熱而不已由血氣壅實五臟生熱熾蒸
於內則眠臥不安精神恍惚蒸發於外則表裏俱熱
躁急喘粗甚則發驚癇也治法先以導赤散吞瀉青
丸以治其熱後以抱龍丸鎮其驚如實熱大小便閉
者三黃丸下之

煩熱者心躁不安五臟煩熱四肢溫壯小便赤澀宜
用導赤散麥門冬山梔仁治之再以涼驚丸撤其餘
邪

積熱者煩赤口瘡大小便澀表裏俱實或內因酒麵
煎燂熱藥暖補外用重被厚綿爐火侵迫皆能生熱
此內外蘊積之熱非食積之熱也先以三黃丸下之

後以涼驚丸調之

虛熱者或因汗下太過津液虛耗或因大病之後元氣受傷皆能發熱其證困倦少力面色青白虛汗自出神慢噓氣軟弱手足厥冷此血氣俱虛氣虛則發厥血虛則發熱也四君子湯加炒乾薑甚者加熟附子一片待熱少退以集聖丸調之

客熱者邪妨於心也心若受邪則熱形於額故先起頭面次而身熱恍惚多驚聞聲則恐良由真氣虛而邪氣勝也邪氣既勝則真氣與之交爭發渴無時進退不定如客之往來也先以導赤散去其邪後以涼驚丸調之

癰熱者由乳食不消伏結於內致成癰塊以生熱於外也治法以集聖丸主之

瘧熱者寒熱往來有頭痛汗出者有嘔吐不食者有憎寒壯熱而作渴者有遍身疼痛者有腹痛者有吐瀉者證皆百出治非一端頭痛汗出遍身疼痛者小柴胡湯加羌活蒼朮治之腹痛者脾積丸治之作渴者白朮散治之吐瀉者理中湯治之俱用平瘧養脾丸調之

血熱者每日已午間發熱遇夜則涼此心熱也輕者導赤散重者四順飲治之

祖傳治熱不問其證肝腎虛弱者以胃苓丸竹葉炒米湯吞治之元氣素厚者以涼驚丸竹葉燈心薄荷湯吞治之

西江月

小兒病則生熱須知得病根因風寒外感熱來潮飲食內傷煩躁吐瀉瘧痢瘡疥變蒸痘疹如燒骨蒸體

弱漸成勞調治般般分曉

若是風寒外感面紅又惡風寒惺惺散子妙難言有咳參蘇靈驗飲食內傷可下三黃脾積相參再添集聖保平安莫使脾虛表轉

吐瀉胃苓最好痢如赤白香連瘧家平瘧解邪干瘡疥胡麻丸散變蒸小兒常病不宜妄用丸湯如逢痘疹別科傳集聖散調疳款

治熱汗下休錯誤汗誤下傷人應汗而下痞滿侵應下而汗驚定只為不明表裏致令大命將傾果難捉摸且因循用藥胃苓集聖

明方賢奇效良方

小兒諸熱須分主治

夫小兒驚熱者誤因驚者執以為常致令心氣不和身體微熱睡夢虛驚遍身有汗甚者手足掣縮變成癰疾此由氣血不和實熱在內心神不定所以發搐又小兒變蒸亦微驚所以然者亦熱盛故也治之以七寶散天竺黃散甘露散辰砂金箔散皆可治之小兒因驚則生熱熱則心不寧故睡臥不安身體悚動心主驚實則發熱飲水虛則臥而悸動不安此候也

小兒溫壯者由胃氣不和氣行壅塞故蘊積體熱名曰溫壯若大便糞臭而黃者此腹內有伏熱以四順飲子治之若糞白而酸臭則挾宿食不消當服紫霜丸輕者少服重者節乳哺增丸藥當取微利可也

小兒壯熱者因五臟生熱熏動於外故身體壯熱大抵與溫壯相類而有小異但溫溫然不甚盛是溫壯也其壯熱者一向熱而不止甚則發驚也以七寶散

大黃砂硝湯皆能治之

小兒風熱若身熱面青口中亦熱煩叫不時有風證者宜虎睛丸天竺黃散治之若熱甚大便祕澀者四順飲子亦可服之

小兒煩熱者由臟腑實熱血氣盛表裏俱熱則苦煩躁不安皮膚壯熱也以八珍飲子七寶散皆可服之

小兒手足多熱心煩躁哭唇深紅飲水不止以竹葉石膏湯加味甘露散治之

小兒潮熱者時間發熱過時即退來日依時而發此欲發驚也大抵血氣壅盛五臟驚熱熏發於外故溫壯相類或夾伏熱或帶宿寒夾伏熱者大便黃而臭帶宿寒者大便白而帶酸臭皆緣臟腑冷熱之氣俱盛腸胃蘊積故也治之以金蓮飲杜效湯加味甘露散過期不解小柴胡湯或竹葉石膏湯錢氏云假如潮熱是一臟實一臟虛而內發虛熱也法當補母而瀉本臟則愈且如日中發潮熱者是心虛也肝為心之母則宜先補肝肝實而後瀉心心得母氣則內平以潮熱愈也醫見潮熱妄謂其實乃以大黃砂硝輩諸冷藥利之利既多矣不能禁約而津液內竭縱取一時之瘥鮮有不成疳病而身瘦也

小兒積熱者由表裏俱熱則遍身皆熱頰赤口乾小便赤大便焦黃先以四順飲子三解牛黃散利動臟腑熱即去既去復熱者裏熱已解而表熱未解也當用惺惺散或紅綿散加麻黃微發汗表熱乃去表熱既去又發熱者何也世醫到此盡不能曉或再用涼藥或再解表或以為不可醫誤致夭殤者甚多此表裏俱虛氣不歸原而陽浮於外所以再發熱非熱證

也只用異功散入梗米煎和其胃氣則收陽氣歸內身體便涼熱重者辰砂金箔散治之錢氏白朮散亦可

小兒虛熱者因患後平復血氣未勻四體羸弱時多發熱治宜調氣補虛其熱自退如錢氏白朮散異功散四君子湯之類或未退人參生犀治之為良

小兒實熱者頭昏煩赤口內熱小便赤澀狀如豆汁大便堅韌或秘澀不通腹急此熱證也宜四順飲子大黃砂硝湯八珍散略揆動臟腑即安

小兒疳熱者發熱形瘦多渴喫食不長肌膚者為之疳熱三四歲後有此疾蓋喫食則有疳用金瓜九玉蟾丸肥兒丸之類治之最為穩當

小兒純陽未有虛羸形瘵之證溫補之劑寡矣且如前人論小兒發熱有一十四證見證立方多獲功效今人常效前人之心觀形察色切脈論證以分表裏虛實設有所誤非惟天閼人命抑且欺於心哉

萬氏幼科發揮
諸熱

肝熱者目中青手尋衣領及亂捻物瀉青丸當歸龍蒼丸主之

心熱者目中赤視其睡口中氣溫喜合面睡或仰睡上竄咬牙宜導赤散黃連安神丸主之

如目中熱心虛也宜錢氏安神丸主之
脾熱者目中黃瀉黃散茵陳五苓散主之
肺熱者目中混白甘桔湯木通散主之
腎熱者目無精光畏明脊骨重目中白睛多其顫即解地黃丸主之

虛熱者多在大病後或溫熱或潮熱或渴或不渴大小便如常宜補之竹葉湯調元湯地骨皮散主之實熱者面赤腮燥鼻乾焦喜就冷或合面臥或仰臥露出手足掀去衣被大渴飲水大小便祕宜瀉之神芎九大金花丸大便不通者用膽導法

或問治熱以寒治寒以熱良工不能廢其繩墨也今治虛熱乃用溫藥者亦有說乎予曰說具內經實熱邪火也可以水制可以實折故以寒治熱者逆治法也虛熱者真火也水不能制寒不能折唯甘溫之劑可以勝之故以溫治虛熱者從治法也逆之從之不離乎正

魯伯嗣學嬰童百問
諸熱證

小兒之病其熱雖多夫熱有虛有實實則面赤濃黃氣粗口熱燥渴脣腫大小便難掀揭露衣煩啼暴叫虛則面色青白恍惚神緩口中清冷噓氣輒弱泄瀉多尿夜出虛汗其或乍涼乍溫悻悻惕惕上盛下虛泄水穀不分此則冷熱不調之證虛則敗毒散加木香當歸然小兒表裏俱熱面黃頰赤脣燥口乾小便赤澀大便焦黃先以四順清涼飲為之疏利其熱即去或表未解也當先用惺惺散少加麻黃去節以取發出其汗或用柴胡散則表熱已除又當和解其熱自平若驚熱風熱積熱可服寬熱散下之保壽散金粉散以退餘熱可也

潮熱

仲陽云潮熱者時間發熱過時即退來日依時發熱此欲發驚也發來潮熱又似瘧熱總曰潮熱蓋發作

有期其熱有三榮熱衛熱瘧熱兩日一發或三日一發並用黎漿飲治之王氏云潮熱乃是血氣壅實五臟生熱熏發於外故令發熱傷寒論云潮熱者實熱也當利大便大柴胡湯承氣湯等劑治之虛熱者地骨皮散主之犀角飲龍甲散靈犀飲秦芫散生犀散聖濟經用地骨皮飲羌活餅等劑

壯熱溫壯

仲陽云壯熱者一向熱而不已甚則發驚癇也溫壯者但溫而不熱也巢氏云小兒壯熱者是熱氣盛熏發於外故令身體壯熱其發無漸大體與溫熱相似少有異者熱加甚也此候宜服輕藥惺惺散羌活散皆可甚則黃芩柴胡乾葛之劑散之夫溫壯者由小兒臟腑不調內有伏熱或挾宿寒皆搏於胃氣故令不和氣行壅滯故積體熱名曰溫壯大便黃而臭者內有伏熱其大便白而臭酸者則挾宿寒故也宜溫之服理中四君子輩加桂治之伏熱宜五苓散并白虎湯二藥俱效其腹中有伏熱溫壯柴苓散主之其心神不安大腑祕熱二黃犀角散主之溫壯常熱不止牛黃散主之凡解後餘熱不退可服地骨皮散黃龍湯牛黃膏亦治壯熱直指羚羊角湯治諸驚壯熱治下後熱不退身壯熱百骨節疼梔子仁湯大連翹飲六物黃芩湯五物人參飲對證選用之古法去伏熱則用龍膽湯去宿滯則紫霜丸甚效聖濟經用升麻芍藥等劑治之

煩躁

論云嘔煎不安是煩嘔嘔不定是躁嘔煎者心經有熱精神恍惚內煩不安心煩則滿自然生驚嘔嘔者

此為試讀，需要完整PDF請訪問：www.ertongbook.com

熱精神恍惚內煩不安心煩則滿自然生驚嘔嘔者

熱精神恍惚內煩不安心煩則滿自然生驚嘔嘔者

心經有風邪精神恍惚心躁生風熱多不安煩久而驚風多不定躁久而搐治法涼心經退熱通利小便為佳熱甚者黃連解毒湯輕者導赤散玉露散風熱者至寶丹琥珀散解毒丸皆可服有傷寒證者大小柴胡湯白虎湯去大黃加乾葛治之有驚熱者金箔鎮心丸七物黃連湯尤妙

渴證

議曰小兒渴證一見唇紅如丹三五分即發三五分渴若紅其即渴甚唇紅焦黑者即久渴虛盛疾加轉極證危篤故也凡小兒三焦虛煩作渴引飲不飲宜服三黃丸小兒傷寒後發渴唇焦口乾煩躁盛者白虎湯主之竹葉湯亦可服小兒瀉利作渴者五苓散去桂加乾葛尤妙香薷飲車前子散皆可服小柴胡湯加天花粉亦佳加乾葛尤穩太熱煩躁而渴者黃連解毒湯亦可服七物黃連湯亦可服極穩大抵小兒本自盛實易為生熱熱氣熏蒸故渴而引飲也

黃疸

仲陽云身痛背轉強大小便澀一身皆黃面目爪甲俱黃小便如屋塵汁色著物皆黃渴者難治此黃疸也二證多病於大病後別有一證生下百日及半年不因病後身微黃者胃熱也大人亦同又有面黃腹大食吐渴者脾疳也又有初生而身黃者胎疸也諸疸皆熱色深黃者是也若淡黃兼白者胃怯不和也茵陳湯梔子蘗皮湯犀角散連翹赤小豆湯主之通治黃疸茵陳五苓散尤為穩也又有脾弱痿黃小便清者治以溫劑當歸丸散主之小半夏湯亦可用王綸明醫雜著

潮熱

小兒潮熱或壯熱不退多是變蒸及五臟相勝不必用藥又多是飲食停積鬱熱由中發外見於肌表只理其中清陽明之熱而表熱自除不可認作外感輕易發汗用小柴胡輕利等藥重傷其內又潮熱不退恐是出痘亦當審察勿便用藥

按前證若因飲食停積或腹痛吐瀉或肚腹膨脹宜用保和丸以消導健脾若飲食既消或腹痛不食或肚腹膨脹宜用四君子以保養胃氣若因誤行汗下損傷元氣宜用參芪歸木陳皮甘草以補中氣大凡傷食脾胃必損宜固胃氣庶無變證若寅卯辰時熱者屬肝經也已午未時熱者屬心經也申酉戌時熱者屬肺經也亥子丑時熱者屬腎經也當詳其虛實而治之凡屬虛熱實熱投以攻補之劑其病既不自減乃是病根深固而藥力未能及耳須宜多服功力既至諸病悉退切不可改為別治設或藥不對證禍在反掌慎之樓英醫學綱目

黃病

潔古云陽黃則大小便赤澀身熱是脾土與心火相搏為陽病法當先利小便後下大便凡治黃病腹脹當用茵陳蒿湯下五苓散若欲利小便去大黃欲利大便則加大黃之類有陽證可服謂面赤飲水者是也陰黃則清便自調面目及身黃四肢冷是脾虛不能制腎水當用益黃散及史君子丸淡黃白者胃不和下平胃散調中九渴者人參白朮散

陶華六書

小兒諸熱

治小兒壯熱昏睡傷風風熱瘡疹傷食皆相似未能辨認間服升麻葛根湯惺惺散小柴胡湯甚驗蓋此數藥通治之不致誤也惟傷食則大便酸臭不消化畏食或吐宜以藥下之王肯堂證治準繩

發熱辨證

風溫熱壯熱相似風溫者身不熱而口中氣熱又有風溫證者但溫而不熱傷寒熱口熱呵欠煩悶項急傷寒熱十指梢冷鼻流清涕發熱無汗面慘凌振右腮有紫紋

痘瘡熱噴嚏悸動耳尖冷麻痘熱面赤足冷身發壯熱呵欠煩悶咳嗽腰疼時或作驚腹痛自痢及中指獨冷者是也變蒸熱唇上白泡珠起耳冷

變蒸熱溫溫微熱氣粗驚少呢乳瀉黃上脣尖有小泡如水珠子即變蒸也不須用藥攻治疳熱面黃吃炭土羸瘦鼻下赤爛

驚風熱發搐悸癇脈數煩躁顛叫恍惚驚風熱遍身發熱面光自汗心悸不寧脈數煩躁治法與急驚證同所用藥餌必先解表

小兒之病惟熱居多夫熱有潮熱驚熱夜熱餘熱食熱疳熱壯熱煩熱積熱風熱虛熱客熱癰熱寒熱血熱瘡疹熱十六者大同而小異熱之始發必有所因



也其潮熱發歇有時驚熱顛叫恍惚夜熱夕發旦止餘熱寒邪未盡食熱肚腹先發疳熱骨蒸盜汗壯熱一向不止煩熱心躁不安積熱頰赤口瘡風熱汗出身熱虛熱困倦少力客熱來去不定痰熱涎嗽飲水寒熱發如瘧狀血熱辰已發熱瘡疹熱耳鼻尖冷諸證得之各有所歸其間或有三兩證交互者宜隨其輕重而處治之

小兒之熱有肝心脾肺腎五臟之不同虛實溫壯四者之不一及表裏血氣陰陽浮陷與夫風濕痰食各當詳之心熱者額上先赤心煩心痛掌中熱而嘔或壯熱飲水已午時益甚肝熱者左頰先赤便難轉筋尋衣捻物多怒多驚四肢困倦寅卯時益甚脾熱者鼻上先赤怠惰嗜臥身熱飲水遇夜益甚肺熱者右頰先赤手掐眉目喘嗽寒熱飲水日西熱甚腎熱者頰下先赤兩足熱甚骨蒸如蟲蝕熱甚不能起牀夜間益甚仍當辨其虛實實則面赤氣粗口燥唇腫作渴飲冷大小便難或掀衣露體煩啼暴叫伸體而臥睡不露睛手足指熱宜用表下虛則面色青白恍惚神緩口中虛冷噓氣軟弱喜熱惡寒泄瀉多尿或午涼午溫拂鬱驚惕上盛下泄夜則虛汗屈體而臥睡而露睛手足指冷宜用調補壯熱者肢體大熱熱不已則發驚癰溫熱者肢體微熱熱不已則發驚搐陰虛則內熱陽盛則外熱以手輕捫之則熱重按之不熱此皮毛血脈之熱熱在表也重按之筋骨之分則熱輕手則不熱此筋骨之熱熱在裏也不輕不重按之而熱此肌肉之熱熱在表裏之間也以虛實分屬表裏而言之壯熱惡風寒為元氣不充表之虛熱

也壯熱不惡風寒為外邪所客表之實熱也壯熱飲湯為津液短少裏之虛熱也壯熱飲水為內火銷燦裏之實熱也若夫內外皆熱則喘而渴齒乾煩冤腹滿四肢熱逢風寒如炙於火能冬不能夏是皆陽盛陰虛也脈尺寸俱滿為重實尺寸俱弱為重虛脈洪大或緩而滑或數而鼓此熱盛拒陰雖形證似寒實非寒也熱而脈數按之不鼓此寒盛格陽雖形證似熱實非熱也發熱惡熱大渴不止煩躁肌熱不欲近衣其脈洪大按之無力或兼目痛鼻乾者此血虛發躁也當補其血如不能食而熱自汗者氣虛也當補其氣仲景論內外不足發熱自汗之證禁不可發汗如飲食勞役雖病發熱誤發其汗則表必虛也身熱而汗出者風也發熱身疼而身重黃者濕也增寒發熱惡風自汗脈浮胫者痰也發熱頭痛脈數者食也寸口脈微為陽不足陰氣上入陽中則惡寒尺脈弱為陰不足陽氣下入陰中則發熱陰陽不歸其分則寒熱交爭也晝則安靜夜則發熱煩躁是陽氣下陷入陰中也晝則發熱煩躁夜則安靜是重陽無陰也當急瀉其陽峻補其陰至若身熱脈弦數戰慄而不惡寒者瘧瘧也發熱惡寒脈浮數者溫病也若四肢發熱口舌咽乾是火熱乘土位濕熱相合故煩躁悶亂也若身體沉重走注疼痛乃濕熱相搏風熱鬱而不得伸也

五臟熱

肝熱手尋衣領及亂捻物瀉青丸主之
壯熱飲水喘悶瀉白散主之
肝熱者左頰先赤便難轉筋多怒多驚四肢困倦寅

卯時益甚宜瀉青丸柴胡飲子
心熱視其睡口中氣溫或合面睡及上鼠咬牙皆心熱也導赤散主之
心氣熱則心胃亦熱欲言不能而有就冷之意故合面臥也

心熱者額上先赤心煩心痛掌中熱而嘔或壯熱飲水已午時益甚宜瀉心湯導赤散安神丸
脾熱則目黃壯大怠惰嗜臥身熱飲水四肢不收瀉黃散主之
脾熱者鼻上先赤其熱在肌肉遇夜益甚

肺熱手掐眉目鼻面甘枯湯主之咳嗽寒熱壯熱飲水涼膈散主之若肺虛熱唇深紅色少服瀉白散
肺熱者右頰先赤日西熱甚輕則用瀉白散重則用涼膈散及地骨皮散
腎熱兩足不喜衣覆地黃丸主之

腎熱者頰下先赤兩足熱甚骨酥酥如蟲蝕熱甚不能起於牀夜間益甚宜用滋腎丸

實熱

實則伸體而臥睡不露睛手足指熱等證
按實中宜分表裏表實宜汗裏實宜下
表半裏宜和解今一以利下為主非通論也治法并方更於後表裏條內求之

小兒實熱在內者四順飲之類在上者吐之
小兒熱病六一散妙藥也

實熱宜四順清涼飲加柴胡

虛熱

虛則喜熱惡寒午涼午溫拂鬱驚惕上盛下泄屈體



而臥睡而露睛手足指冷等證

虛熱因病後發熱無時一日三五次者此客熱乘虛而作先以胃苓湯加黃芪末溫米清湯調服次投錢氏白朮散或固真湯帶涼服及用溫鹽湯參入凉水送下黑錫丹固守元氣

風熱邪熱四君子湯加生薑荊芥煎

小兒客熱在內先用導赤散次用益黃散

薛氏以虛實分屬表裏及熱盛拒陰寒盛格陽血虛氣虛發熱等證俱仲景東垣諸聖醫辨證妙法宜詳玩而熟記之則虛熱似實熱之證庶幾不至誤認而全活衆矣

虛熱宜惺惺散

表裏

身熱不飲水者熱在外

身熱飲水者熱在內

四順飲子治熱在內而不厭

連翹飲治熱在外而不厭

薛氏云壯熱惡風寒爲元氣不充表之虛熱也壯熱

不惡風寒爲外邪所客表之實熱也壯熱飲湯爲津

液短少裏之虛熱也壯熱飲水爲內火銷燦裏之實

熱也按傷風惡風傷寒惡寒豈可以惡風寒爲元氣

不充而不惡風寒爲外邪所客乎薛氏之意本圓而

語則滯礙人前豈可說夢須以東垣外感內傷細辨

別之則無失矣

表熱

熱而二便調和風邪蘊結於裏而發者用惺惺散加麻黃汗之

餘熱

餘熱者謂寒邪未盡傳經之遺熱也仁齋曰傷寒汗下後而熱又來乃表裏俱虛氣不歸元陽浮於外不可再用涼藥蓋熱去則寒起古人戒之法當和胃氣使陽氣收斂歸內其熱自止宜參苓白朮散主之有小兒熱證用表裏藥後其熱俱退既退復熱者何也熱病至此難以概舉或再解表攻裏或施涼劑熱見愈甚以陰陽辨之何者爲是推其原乃表裏俱虛而陽浮於外陰伏於內所以又發熱宜用溫平之藥和其裏則體熱自除投錢氏白朮散去木香加扁豆水煎及黃芪六一湯安神散自然平復若日久汗多煩渴食減脈微緩喜飲熱可服眞武湯雖附子性溫取其收斂陽氣內有芍藥性寒一寒一溫停分得宜用之無不驗矣

壯熱

汗後血虛而熱益甚者六神散加梗米汗後氣虛而惡寒發熱者補中益氣湯汗後陰虛陽無所附而熱者用四物湯加參芪汗後陽虛陰無所附而熱者用四君子湯加芎歸

溫壯

壯熱者一向不止血氣壅實五臟生熱蒸於內則眠臥不安精神恍惚熏發於外則表裏俱熱煩躁喘粗甚則發驚癇也輕劑火府丹地黃煎重劑雙解飲七寶散大黃硝磺湯

宿食不消當服紫霜丸輕者少服重者節乳哺增加丸藥當取微利可也

驚熱

驚熱者遍身發熱或熱而不甚面青自汗睡夢驚驚顫叫恍惚有因驚而生熱者有因熱而生驚者錢氏導赤散涼驚丸安神之類皆其治也

骨蒸熱

小兒一歲至十歲衣絮皆不得著新綿又不得冬月以火烘衣被勿令食桃杏楊梅果實又不得食炙煇熱麵之類皆令兒體熱或因傷寒後食肉太早令兒體熱者有之或作骨蒸者宜服生犀散克效湯地骨皮飲七寶散金蓮飲子治之

骨蒸熱身體虛羸遇晚而發有熱無寒醒後渴汗方止此乃疳病之餘毒傳作骨蒸或腹內有癰塊有時微痛用參苓白朮散薑棗三稜煎湯調服或投化癰丸先療脾虛宿滯次以柴胡飲爲治仍忌鷄酒羊麵毒物

潮熱

熱有作止每日應時而發謂之潮熱如潮信之不失其期也

潮熱有風寒疳積食癖之分陰陽虛實五臟之異如汗出身熱呵欠面赤者風熱也傷寒時疫陰陽相勝外感熱也肌瘦口乾骨蒸盜汗疳熱也大小便秘濕汗下不解積熱也腹背先熱夜發且止食熱也涎嗽飲水乳食不消癖熱也又有煩熱者氣粗喘促心躁不安煩赤口瘡兼發癰證瘡疹熱者耳鼻尖冷血熱者已午間發至夜則涼虛熱者困倦少力發於病後

陽邪干心則來去不定陰陽相勝則寒熱如瘧前證在小兒有因乳母或妊娠七情厚味遺熱或飲食停積衣衾過暖及額浴熱湯而為患若寅卯辰時熱而力盛飲水者肝經實熱也用柴胡清肝散熱而力怯飲湯者肝經虛熱也用六味地黃丸已午時熱心經也實用導赤散虛用秘旨安神丸申酉戌時熱肺經也實用瀉白散虛用秘旨保脾湯亥子丑時熱腎經也用地黃丸大凡壯熱飲水大便秘結屬實熱用二黃犀角散下之熱渴飲湯大便如常屬血虛用四物

湯補之若下後陰虛陽無所附而仍熱用四物參芪汗後陽虛陰無所生而仍熱用四君芎歸若汗下後煩渴面赤血虛發躁也當歸補血湯若見驚搐等證肝血虛而內生風也用四物天麻鉤藤鉤類赤口乾小便赤澀大便焦黃表裏俱實熱也用清涼飲子如大便已利或熱未止表邪未解也惺惺散未應加麻黃微汗之既汗而仍熱此表裏俱虛氣不歸源陽浮於外而虛熱也六神散加梗米陽氣下陷於陰中而發熱者用補中益氣湯若乳下嬰兒當兼治其母曾氏先用百解散發表次以當歸散及三解散治之脈實者以大柴胡湯下之虛浮數者百解散微汗之若發熱而嘔者小柴胡湯和解之

小兒潮熱盜汗胡黃連柴胡等為細末煉蜜丸芡實大每二九酒化開入少水煎小沸服潮熱有時曾滿氣短者桃枝丸

晝熱

全嬰方小兒每早食後發熱夜則涼世醫多謂虛勞或為疳熱不知此血熱證也宜龍膽丸地黃膏之類

時時與服即瘥

按全嬰方所云血熱者已午發熱遇夜則涼與東垣所謂夜則發熱晝則明了不同然東垣所云血熱者指陰虛而生內熱也夜則發熱晝則明了取其晝陽夜陰也鄭氏所云血熱者指小兒血盛實而言也蓋謂已午者心火用事之時也心主血血氣行至已午則陽氣盛陽氣與正氣相搏故至期而發熱非其時者非血熱也

夜熱

海藏云夜熱屬陰四順飲之類此血熱在夜也脈經云小腸有宿食晝暮發熱明日復止此宿食夜熱也

風痰熱晚熱早涼吃水無時此候乃痰作潮而生風熱即宜金星丸下之或氣弱者不可下宜奪命散以控下涎次服惺惺散加南星白附子

積熱

積熱者久熱也疳熱亦久但兼面黃吃炭土鼻下爛也

小兒表裏熱去後又發熱者非熱證也只用六神散入梗米煎和其胃氣則收陽歸內身體便涼熱重者用銀白散

積熱眼泡浮腫面黃足冷發熱從頭至肚愈甚或聞飲食之氣惡心及腸疼嘔吐治法詳載傷積論中按曾氏所謂積熱乃指腹中有癥而熱與久積之積不同不妨並存之

寒熱

寒熱者證如瘧狀陰陽相勝也先寒而後熱陽不足

先熱而後寒陰不足寒多而熱少陰勝陽也熱多而寒少陽勝陰也寒熱相半陰陽交攻也寒熱隔日陰陽乍離也陽盛發熱陰盛發寒也其有頭疼汗出者有嘔吐不食者有增寒而飲水者壯熱而飲湯者有筋骨疼痛者或瀉或秘或內寒而外熱或內熱而外寒又有寒而腹中痛熱而腹中鳴是有食積也治法因於食積者當用白餅子下之次行補助以錢氏白水散寒多熱少者小柴胡湯加桂枝熱多寒少者白虎湯加桂枝寒熱相半者並用小柴胡湯主之

經曰陽虛則外寒陰虛則內熱陽盛則外熱陰盛則內寒寒熱往來此乃陰陽相勝也故寒氣并於陰則發寒陽氣并於陽則發熱寸口脈微為陽不足陰氣上入陽中則惡寒尺脈弱為陰不足陽氣下入陰中則發熱陽不足則先寒後熱陰不足則先熱後寒陰陽不歸其分則寒熱交爭也又上盛則發熱下盛則發寒陽勝則午熱陰勝則午寒陰陽相勝虛實不調故邪氣更作而寒熱往來故午寒午熱也少陽膽者肝之府界乎太陽陽明之間半表半裏之分陰陽之氣易於相乘故寒熱多主肝膽經證以小柴胡湯加減調之若祇見寒熱起居如常久而不愈及大病後元氣未復悉屬陰虛生熱陽虛生寒宜用八珍湯補之甚者十全大補湯有食積為病亦令寒熱用保和丸消之若兼嘔吐泄瀉用六君子湯厥冷飲熱人參理中丸作渴不止七味白朮散食積既消而寒熱尚作者肝邪乘脾所勝侮所不勝也用異功散加柴胡山梔其瘥證寒熱詳見瘧門

煩躁

仲景云火入於肺則煩入於腎則躁夫心者君火也火旺則金燭水虧而火獨存故肺腎合而為躁也活人云但煩熱者虛煩也諸虛煩熱與傷寒相似但不惡寒鼻不疼故知非傷寒也頭不痛脈不緊故知非裏寒也不可發汗攻下當與竹葉湯兼嘔者與橘皮湯又心虛則先煩而後渴翁發熱其脈浮緊而大是也蓋煩者心中煩擾而內熱故屬陽躁者肢體躁動或裸身欲入井中為外熱故屬陰外熱者無根之火也是以為虛脈數而實便祕有熱者神芎丸此皆實熱之治法也若煩而頭痛短氣口乾咽燥不渴者虛也用四君加芎歸因藥攻伐而作渴者用竹茹湯煩而不得眠者酸棗仁湯心神顛倒煩熱欲吐者硃砂安神丸面戴陽目內赤六脈洪大按之全無者血虛發躁用當歸補血湯若躁而裸體欲入井中脈沉細或浮大按之如無者此皆陰盛發躁也宜用參附湯有回生之功

注夏

脾為太陰位屬坤土喜燥而惡濕故凡脾胃之氣不足者遇長夏潤澤之令則不能升舉清陽健運中氣又復少陽相火之時熱傷元氣則肢體怠惰不收兩腳痿弱嗜臥發熱精神不足飲食少思口中無味呼吸短乏氣促目中視物眩暈小便赤數大便不調名曰注夏此皆稟賦陰虛元氣不足之證丹溪補陰論言之詳矣育子者不可不知冬月養陽之道乎治法用補中益氣湯去升麻柴胡加炒黑黃藥主之若因勞役發熱血虛脈大者用當歸補血湯氣血兩虛者八珍湯肝腎陰虧者地黃丸大便作瀉者人參理中湯

若乳母肝火乘脾寒熱少食者柴胡梔子散胃火作渴者竹葉石膏湯小兒多因乳母之氣不調而致當戒怒氣調飲食適寒溫則可以遠病又如今人夏月皆以香薷湯浸冷代茶飲之殊不知香薷利水大損元陽厚朴剋伐大瀉真氣凡脾性喜溫而惡寒夏月陰盛於內冷啜傷脾若胃強有火濕熱為病之人固無大害其脾胃虛弱中氣不足者必為腹痛少食泄瀉寒中之疾矣此大人亦當戒者况小兒乎慎之慎之

黃疸

難知云色如熏黃乃濕病也一身盡痛

色如橘子黃者黃病也身不痛

乾黃燥也小便自利四肢不沉重渴而引飲者梔子

藥皮湯

濕黃脾也小便不利四肢沉重似渴不欲飲者大茵陳湯

陳湯

大便自利而黃者茵陳梔子黃連三物湯

往來寒熱一身盡黃者小柴胡加梔子湯

湯氏云身疼轉背疼大小便澀皮膚面目齒爪皆黃

小便如屋塵色利者易治澀者難治宜服五苓散加

茵陳煎湯調又宜服導赤散加茵陳煎或身熱宜服

小柴胡湯甚者服承氣湯

凡黃病者不可一槩而論標本不同證治亦異乃脾

胃氣虛感受濕熱鬱於腠理淫於皮膚蘊積成黃熏

發於外故有此證或脾胃虛弱內因癥癖攻之而成

然疳瀉亦主皮黃髮豎肚大青筋肌肉消瘦外無色

澤身必發黃此又本於疳病而作致有是證治法若

感濕熱而得身黃如煙熏之色以咬咀五苓散加麻黃水薑煎投汗之即愈或用茵陳蒿湯調下五苓散亦好

若得於疳癖者其形如黃土相類以醒脾散化癥丸醒脾快胃磨積理疳胃氣已和飲食倍進運化精微榮養百骸灌溉臟腑五色各見於本部精華乃形於面貌其黃自除

經曰中央黃色入通於脾故黃疸者脾之色也夫人

身之神貴於藏而默用見於外則內虛矣其證皆因

脾氣有虧運化失職濕熱留於肌膚發而為疸錢仲

陽所謂身痛背強二便澀滯遍身面目爪甲皆黃是

也小便褐色者難治療法宜固脾為先如專用剋伐

寬中淡泄利水之藥則鮮有不致危者矣若初生及

百日半年之間不因病而身黃者胃熱胎黃也腹大

食土為脾疳兼作渴飲冷者用瀉黃散小便不利者

茵陳湯病後發黃肢體浮腫者用白朮散清便自調

肢冷嗜臥者益黃散身淡黃白者調中九及補中益

氣湯加茵陳身熱膈滿肌膚面目皆黃者加減瀉黃

散辨其所以若閉目壯熱多哭不已大小便赤澀口

中熱氣者乃妊娠厚味胎毒之候也母子並服生地

黃湯仍忌酒麪五辛熱物設不自慎誤傷脾土急則

變為驚風吐瀉緩則肢體浮腫小便不利眼目障閉

多成疳疾矣又有脾虛發黃者當於脾胃中求之

陳治幼幼近編

潮熱

小兒初病潮熱或病後潮熱俱屬食傷太陰脾經宜參苓白朮散有瘡癰潮熱八珍湯加貝母

小兒衛生總微論方

諸身熱

小兒身熱但溫而不甚壯熱此為溫熱

小兒身熱口中氣熱叫哭無時呵欠煩悶面目青色

此為風熱甚亦發驚

小兒身熱飲水悸惕手足搖動上視弄舌印內青筋

見掌中赤怕物生涎此為驚熱

小兒身熱面赤時久不退睡覺顛叫氣急發渴胃高

涎壅此為積熱與壯熱相似但胃高涎壅為異乃臟

腑積蘊熱毒三焦鬲腕壅滯也又搖頭項硬者亦三

焦鬲腕壅也

已上皆甚則發搐治在驚癇門中

小兒身體發熱氣促鼻塞涕嚏噴寒毛立眼淚出

或出痰水此為傷寒治在傷寒門中

小兒身熱時發時退但壯熱或夜發熱面黃腹脹

吐瀉乳食不化糞酸臭異常此為食傷治在傷食門

中

小兒夜發熱曉即如故多涎喜睡此肺虛發熱也此

與食傷夜發熱相似要須識之况二證餘候各皆不

同食傷者可下肺虛者不可下下之則失津液發渴

引飲昔錢乙治朱監簿子五歲夜發熱曉即如故眾

醫作熱以涼藥解之不愈其候多涎喜睡又以藥下

其涎病益甚至五六日請乙治之乙曰不可下乃取

白朮散煎湯三升使任意取足服朱曰飲多不作瀉

否乙曰無生水不能作瀉縱利亦不足怪但不可下

耳朱又曰先治何病乙曰止瀉治痰退熱清神皆此

藥也服盡又作兩次與服其子不渴無痰又投阿膠

散二服而安是此證也錢乙方本集載之

小兒身熱形瘦多渴飲食不為肌肉此為疳熱治在

疳門中

小兒血氣旺盛發渴引飲大便黃緊小便赤少四肢

身體翕然而熱此為胃實熱也治宜下之

小兒身發熱微驚耳聾冷上唇頭有白泡起如魚目

珠子或汗或不汗此為變蒸治在變蒸門中

小兒身熱昏睡驚悸喜噁耳尻冷此為瘡疹候治在

瘡疹門中此與食傷變蒸相似傷寒耳尻皆熱變蒸

脣上有白疣泡珠子為異

小兒身熱者更有內外在內者多飲水得之在外者

多因風寒得之錢氏有云小兒身熱飲水者熱在內

身熱不飲水者熱在外此大槩之驗也在內者宜下

之在外者宜散之

閻孝忠論小兒壯熱傷風溫疫傷寒風熱瘡疹傷食

率皆相似未能辨認之間但與升麻葛根湯惺惺散

小柴胡湯服之甚驗蓋此數藥通治之不致誤也惟

傷食者則大便酸臭乳不化畏食或吐宜與微下

孫真人論小兒內外氣盛服時小驚或微覺傷風傷

食又慮變蒸身熱者但以紫圓或龍膽湯為治此二

藥無所不療雖微利動以減盛氣亦不虛人小兒糞

黃而臭者此腹中有伏熱也宜服龍膽湯若糞白而

酸臭者此挾寒不消也宜服紫圓但少與令內消甚

者少增令微稀澹皆須節乳哺一兩日令胃氣平和

若不節則病易復復則復下傷其胃氣令腹脹滿若

至再三下之則過傷矣

小兒於立夏之後有病身熱者慎勿妄為吐下但以

除熱湯浴之除熱粉粉之赤摩膏塗之

黃疸

小兒有身體肌膚面目悉黃者此黃病也因將息過

度飲食傷飽脾胃受熱與穀氣相搏蒸發於外脾胃

象土其色黃候肌肉故為是病也慎不可灸灸則熱

轉甚矣若身體痛背膊強大小便澀腹脹滿一身盡

黃及目睛爪甲皆黃小便如屋塵色著物皆黃此疸

病也若發渴小便澀腹滿脈沉細為難治也黃病者

稍輕疸病極重又有自生下面身深黃者此胎疸也

因母臟氣有熱熏蒸於胎故也經言諸疸皆變色深

黃者是也若身微黃者胃熱也若但面黃腹大渴而

食泥土者脾疸也

渴

小兒有渴而飲水者此因臟腑有熱熱則臟燥故多

體熱發渴亡耗津液即令作渴欲飲水以解之也又

有疳渴吐瀉發渴霍亂發渴者各逐本項具之閻孝

忠云凡小兒諸渴因亡失津液引飲但多煎錢氏白

朮散與服使任意取足飲之彌多彌好

欽定古今圖書集成博物彙編藝術典

第四百四十卷目錄

醫部彙考四百二十

小兒諸熱門二

方一 神驗柴胡散 丹參 赤膏 五物甘草生
浴湯 十二物藥水石散 李根湯 升麻湯
大黃湯 蜀椒湯 石青湯 竹葉湯 又
飲 大黃壯爛湯 調中湯 生地黃湯 犀角
連翹散 龍膽瀉肝湯 清涼散 黃連香薷散
麻黃散 升麻散 連翹散 麥門冬湯 雙
散 人參散 八物麥門冬散 蘇合散 京
荆防敗毒散 神效散 敗毒散 四順清涼散
胃苓丸 神效散 敗毒散 四順清涼散
乾葛根汁 陳連翹赤小豆湯 麥門冬湯 茵
小柴胡湯 當歸散 小半夏湯 消食丸 竹
葉湯 香薷散 車前子散 黃連解毒湯
九露散 導赤散 至寶丹 琥珀散 解毒
大柴胡湯 大承氣湯 金箔鎮心丸 犀角
飲 龍膽瀉肝湯 大承氣湯 金箔鎮心丸 犀角
柴胡散 理中湯 四君子湯 五苓散 白
龍湯 牛黃散 二黃犀角散 梔子仁湯 大黃
連翹湯 龍膽湯 紫霜丸

藝術典第四百四十卷

醫部彙考四百二十

小兒諸熱門二

方一

神驗柴胡散 中藏

治小兒骨熱夜間如蒸甚者不過十數日見效
土柴胡不拘多少去蘆洗淨炙黃色不令太焦亦不
須銀州者
右爲末每服二錢水一盞入地骨皮指面大二片

子同煎至七分食後溫服如虛瘦但空心服補藥
食後煎下數服時時如水飲之

丹參赤膏 下金方

治少小心腹熱

丹參 雷丸 礞石 戎鹽 大黃各二兩

右五味咬咀以苦酒半升浸四種一宿以鍊成猪

肪一觔煎三上三下去滓乃內礞石膏成以摩心

下冬夏可用

一方但用丹參雷丸亦佳

五物甘草生摩膏

治少小新生肌膚幼弱喜爲風邪所中身體壯熱

或中大風手足驚掣

甘草 防風各一兩 白朮 桔梗各二十銖

雷丸二兩

右咬咀以不中水猪肪一觔煎爲膏以前藥微火

上煎消息視稠濁膏成去滓取如彈丸大一枚炙

手以摩兒百過寒者更熱熱者更寒小兒雖無病

早起常以膏摩顙上及手足心甚辟風寒

李葉浴湯

治少小身熱

李葉無拘多少

右咬咀以水煮去滓將浴兒良

柳枝浴湯

治小兒生一月至五月年寒乍熱

柳枝無拘多少細切

右煮取汁洗兒

若渴絞冬瓜汁服之

青木香浴湯

治小兒壯熱羸瘠

青木香四兩 麻仁 竹葉各一升 虎骨五兩

白芷三兩

右五味咬咀以水二斗煮取一斗稍稍浴兒

十二物寒水石散

治少小身體壯熱不能服藥

寒水石 礞石 滑石 石膏 赤石脂 太黃

青木香 甘草 黃芩 防風 芎藭 麻黃根

右各等分合治下篩以粉一升藥屑二合相和復

以篩篩之以粉兒身日三

李根湯

治小兒暴有熱得之二三日者

李根 桂心 礞石各十八銖 麥門冬去心

甘草各一兩

右五味咬咀以水三升煮取一升分五服

升麻湯

治小兒傷寒變熱毒病身熱面赤口燥心腹堅急

大小便不利或口瘡者或因壯熱便四肢攣掣驚

仍成癰疾時發時醒醒後身熱如火者悉主之

黃芩一兩 升麻 白薇 麻黃 萎蕤 柴胡

甘草各半兩 礞石 大黃 釣藤各六銖

右十味咬咀以水三升先煮麻黃去上沫內諸藥

煮取一升兒生三十日至六十日一服二合六十

日至百日一服二合半百日至二百日一服三合

大黃湯

治小兒肉中久挾宿熱瘡熱進退休作無時

生大黃 硃硝 甘草各半兩 桂心八兩
石膏一兩 大棗五枚

右六味咬咀以水三升煮取一升每服二合

蜀棗湯

治小兒潮熱

蜀棗 甘草 知母 龍骨 牡蠣各半兩

右五味咬咀以水四升煮取一升去滓一歲兒少

少服半合日再

石膏湯

治小兒腹大短氣熱有進退食不安穀爲不化

大黃 黃芩 甘草 麥門冬 硃硝各半兩

石膏一兩 桂心八銖

右七味咬咀以水三升煮取一升半三服其歲已

下小兒作五服

竹葉湯

治小兒夏月患腹中伏熱溫壯來往或患下痢色

或白或黃三焦不利

竹葉切 小麥各五合 柴胡 麥門冬 人參

甘草各半兩 茯苓十八銖 黃芩一兩六銖

右八味咬咀以水四升煮竹葉小麥取三升去竹

葉小麥下諸藥煮取一升半分三服若小兒夏月

忽壯熱燒人手洞下黃溼氣力憊然脈極洪數用

此方加大黃二兩再服得下即瘥

又

治五六歲兒溫壯腹中急滿息不利或有微腫亦

治極羸不下飲食堅痞手足逆冷

竹葉一升 小麥半升 甘草 黃芩 瓜蒌根

澤瀉 茯苓 知母 白朮 大黃各一兩

桂心二銖 生薑一兩半 人參 麥門冬

半夏各二兩 當歸十八銖

右十六味咬咀以水七升煮竹葉小麥取四升去

滓內藥煮取一升六合分四服

大黃牡蠣湯

治小兒壯熱實滯不去寒熱往來微驚悸

大黃一兩 黃芩 瓜蒌根 甘草各十八銖

滑石二兩 桂心 牡蠣煨 人參 龍骨

凝水石 白石脂 硝石各半兩

右十二味咬咀以水四升煮取一升半每服三合

一日一夜令盡雖吐亦與之

一本加紫石英半兩

調中湯

治小兒春秋月晨夕中暴冷冷氣折其四肢熱不

得泄則壯熱冷氣入胃變下痢或赤白滯起數小

腹脹痛極壯熱氣脈洪大或急數者服之熱便歇

下亦瘥也但壯熱不吐下者亦主之

葛根 黃芩 茯苓 桔梗 芍藥 白朮

藥本 大黃 甘草各六銖

右九味咬咀以水二升煮取五合服如後法兒生

一日至七日取一合分三服生八日至十五日取

一合半分三服生十六日至二十日取二合分三

服生二十日至三十日取三合分三服生三十日

至四十日取五合分三服恐嬰五合未得更以意

斟酌百日至三百日兒一如前篇龍膽湯加之

生地黃湯

治小兒寒熱進退啼呼腹痛

生地黃 桂心各二兩

右二味以水三升煮取一升其歲以下服二合已

上三合

一方七味有芍藥寒水石膏黃芩當歸甘草各半兩

犀角飲

治小兒心臍熱感

犀角十八銖 茯苓一兩 麥門冬一兩半

甘草半兩 白朮六銖

右五味咬咀以水九合煎取四合分服加龍齒一

兩佳

加味小柴胡湯

治乳母肝火發熱等證致兒爲患子母並服

柴胡一錢 黃芩七分 人參 半夏各四分

甘草三分 山梔 丹皮各五分

右水煎

柴木參苓湯

治肝火血熱遍身癢痒或起赤暈或筋攣結核

白朮炒 人參 茯苓各一錢 柴胡 川芎

山梔 芍藥炒 甘草炒各五分 熟地黃自製

當歸各八分

右水煎服

芍藥參苓散

治肝木剋脾土目剖面青食少體倦

芍藥炒 人參 茯苓 白朮 陳皮各七分

柴胡 山梔炒 甘草炒各五分

右薑水煎



龍膽瀉肝湯

治肝經濕熱或囊癰便毒小便澀滯

龍膽草酒炒五分 車前子炒 木通 當歸尾

澤瀉各三分 甘草 黃芩 生地 山梔各三分

右水煎服

清涼飲

治消中能食而瘦口乾自汗大便結燥小便頻數

羌活 柴胡 炙甘草 知母酒製 黃芪炒

黃芩酒製各一錢 生甘草 防己 生地酒製

防風各五分 當歸六分 紅花少許 杏仁

桃仁各五箇 升麻四分 石膏 川黃蘗

草龍膽各一錢五分

右每服一二錢水煎入酒少許服

黃連香薷飲

香薷四兩 厚朴二兩 黃連一兩

右每服一二錢將朴連同生薑炒令紫色入香薷

水酒各一盞煎冷服

連翹飲子

本事

治大人小兒五臟積熱煩躁多渴腎裂喉閉目赤

鼻頰結硬口舌生瘡陽明證傷寒發狂見鬼譫語

大小便閉一切風壅並皆治之

山梔 甘草 赤芍藥各一兩 大黃 礞石

連翹 薄荷 乾葛各二兩

右爲散每服二錢水一盞天竹葉七片蜜三匙同

煎至七分去滓食後服惟陽明證傷寒忌下

全蠍散

初感

世方

治小兒驚熱

全蠍 天南星取心爲末一錢 人參三錢

蛇蛻三錢

右爲末蜜湯調下或薄荷加蜜湯調下

洗心散

類證活人

治小兒遍身壯熱頭目碎痛背膊拘急大熱衝上

口苦脣焦夜臥舌乾咽喉痛腫涕唾稠粘痰壅喫

食不進心神躁熱眼澀睛疼傷寒鼻塞四肢沉重

語聲不出百骨節痛大小便不利痘瘡時行瘟疫

狂語多渴及小兒天疳風夜驚竝宜服之

大黃四兩以米泔水浸一炊間漉乾慢炒取熟

當歸炒 芍藥 炙草 荊芥 麻黃各四兩炒

白木一兩炒

右搗羅爲細末每服二錢水一盞入薑一片薄荷

二葉同煎至八分放溫和平服了仰臥仍去枕少

時如五臟壅實煎四五錢七若要瀉轉則熱服

惺惺散

治小兒風熱及傷寒時氣瘡疹發熱頭痛壯熱目

澀多睡咳嗽喘粗鼻塞清涕

桔梗 細辛 人參 白木 瓜蒌根 甘草炙

白茯苓 川芎各等分

右搗羅爲細末每服二錢用水一盞生薑二片薄

荷二葉同煎七分服三歲已下作四五服五歲已

上分二服凡小兒發熱不問傷風風熱先與此散

數服往往輒愈

幼科全書加麻黃

嬰童百問無川芎

麻黃黃芩湯

治小兒傷寒無汗頭疼發熱惡寒

麻黃去節一兩 黃芩 赤芍各半兩 甘草炙

桂枝去皮各一分

右搗羅爲細末每服二錢滾水調下日三服兼治

天行熱氣生豌豆瘡不快益煩躁昏潰或出尚身

疹熱者

升麻黃芩湯

治小兒傷風有汗頭疼發熱惡寒

升麻 葛根 黃芩 芍藥各三錢 炙草一錢半

右剉如麻豆大每服二錢以水一中盞煎至六分

去滓溫服若時行瘡痘出不快煩躁不眠者加木

香一錢五分

甘露飲子

治小兒胃中客熱口臭不思飲食或饑煩不欲食

齒齬腫疼膿血舌口咽中有瘡赤眼紅臉目不欲

開瘡疹已發未發並宜服

熟地黃 生地黃 天門冬 麥門冬並去心焙

枇杷葉去毛 枳殼麩炒去穢 黃芩 石斛

山茵陳 甘草炙各等分

右爲細末每服二錢水一盞煎至六分去滓食後

臨臥溫服

雙丸

治小兒身熱頭痛飲食不消腹脹滿或心腹疼痛

大小便不利或下重數起未差可再服小兒蒸候

哺食減少氣息不快夜啼不眠是腹內不調竝宜

用此丸下之

甘遂半兩 朱砂一錢另研 麥門冬二兩半

藥核去仁研四兩半 牡蠣二兩 炙甘草一兩
巴豆六十枚去皮心膜研新布絞去油日中曬之白
如霜者

右麥門冬甘草甘遂牡蠣四味爲細末入巴豆朱
砂薤仁合和搗二千杵更入少蜜搗和極熟旋丸
半歲兒服如桂子大一雙一歲兒服如半麻子大
分爲一雙服如二歲麻子大一枚分一雙三四歲
者服如麻子大二九五六歲者服如大麻子大二
九七八歲者如小豆大二九十歲微大於小豆二
九常以雞鳴時服如至日出時不下者熱粥飲服
數合投之即下藥丸皆雙出也下利甚者濃煎冷
粥飲之便止

石膏麻桂湯

治小兒傷寒未發熱咳嗽頭面赤

麻黃湯泡 黃芩各一兩 炙甘草 石膏

芍藥各半兩 桂心一分 杏仁十枚去皮尖

右七味爲散每服二錢水一中盞入生薑二片煎
半盞去滓服兒若甚小以意增減之

連翹飲

治小兒一切熱

連翹 防風 甘草 山梔子各等分

右件搗羅爲末每服二錢水一鍾煎七分溫服

麥門冬湯

治少小未滿百日傷寒鼻衄身熱嘔逆

麥門冬三分 石膏 寒水石 炙甘草各半兩

桂心三錢半

右剉如麻豆大每服三錢水一盞煎七分溫服

五物人參飲

治小兒天行壯熱咳嗽心腹脹滿

人參 甘草各半兩炙 麥門冬一兩去心

生地黃一兩半如無只用生乾地半兩

右剉如麻豆大每服三錢水一盞入茅根半握煎
至七分去滓溫服

八物麥門冬飲

治小兒諸熱

麥門冬三兩去心 炙甘草 人參各一分

紫苑 升麻各二兩 貝母一分半

右剉如麻豆大每服三錢水一盞入茅根半握煎
至七分去滓再入竹瀝少許重煎溫服

棗葉飲

治小兒天行五日以後熱不歇者

棗葉半握 麻黃半兩去根節 淡豉一合

葱白切一合

右件共童子小便二盞煎至一盞去滓分二服

涼膈散

一名連翹飲子治傷寒表不解半入於裏下證未
全或復未愈者或燥熱佛結於內而煩心懊憹不
得眠者及無問傷寒雜病大人小兒臟腑積熱煩
躁多渴面熱頭昏唇焦咽燥舌腫喉痹目赤鼻衄
頰頰結硬口舌生瘡痰實不利咳嗽稠粘睡臥不
安謔語狂妄腸胃濕燥便尿悶結一切風熱壅滯
風眩瘡癰及傷寒陽明胃熱發斑下證未全者或
誤服暖藥過多爲諸熱證并酒甚熱毒兼小兒斑
疹痘瘡已出未快者或熱極黑陷將死者

梔子仁 連翹 薄荷 黃芩 甘草各一兩半

大黃 礞石各半兩

右爲粗末每一兩水二盞竹葉七片煎至一盞去
滓入蜜少許食後服加薑煎亦得

去六經熱減大黃礞石加桔梗甘草人參防風

治肺經邪熱咳嗽有痰加半夏

涼膈與四物各半服能益血洩熱名雙和散

錢氏去連翹加藿香石膏爲瀉黃散

寶鑑連翹四兩硝黃各二兩餘各一兩

柴葛解肌湯

柴胡 乾葛 黃芩 桂枝 赤芍 人參 甘草

右竹葉七片薑棗作引煎服

調元生脈散

黃芪 人參 麥門冬 甘草 五味子

右水煎服

參蘇飲

人參 半夏 茯苓 甘草 桔梗 枳殼

乾葛 前胡 木香 陳皮 蘇葉

右薑棗引煎服

荆防敗毒散

生大黃 防風 荆芥穗 酒紅花 牛蒡子

升麻 元參 人參 桔梗 酒芍 酒藥

甘草

右水煎服

葦薈粉飲

如小兒誤服熱藥太過者以致煩躁悶亂或作吐
或狂或渴宜先解毒此飲主之



紫荳粉一兩 黃連炙 乾葛 生甘草各半兩

三味共末同紫荳粉杵勻每服五分至一錢淡豆豉湯溫調服

豆卷散

如小兒病驚多用藥性太溫及熱藥治之有驚未退而別生熱證有病愈而致熱證者有反為急驚者甚多當問病者數日因何得之曾以何藥調之可用解毒之藥無不效也以此散主之

大豆黃卷以水浸黑豆生卷是也曬乾 炙草 貫衆 板藍根

每各一兩為末服五分至一錢水煎去渣服

玉液丸

治風壅化痰利膈清頭目煩熱除咳嗽

寒水石火煨水飛二兩 半夏製一兩 枯礬五錢

共為末米糊丸如粟米大薑湯下

感風寒咳嗽桑白皮湯下

咳血茅根湯下

常咳茶湯下

咳而吐煨薑湯下

胃苓丸

分陰陽退潮熱止吐泄消浮腫黃疸調脾胃止便濁小兒常用之藥也

蒼朮米泔水浸刮去黑皮焙乾 厚朴薑汁炒

陳皮 白朮各五錢 粉草炙 草果各二錢

猪苓 澤瀉 白茯苓各三錢 官桂一錢

共為末水和丸如粟米大炒米湯下

嘔吐煨薑湯下

調胃炒米湯下

白濁鹽湯下

瀉泄炒米車前湯下

黃疸加茵陳五錢燈心湯下

潮熱水竹葉炒米湯下

浮腫長流水煎燈心五加皮湯下

疝氣茴香湯下

神芎丸

治小兒上焦積熱驚風壅滯頭目赤腫咽閉大小便赤澀及痰喘之證並皆治之

大黃酒蒸 黃芩各一錢 黑牽牛取頭末

滑石各四錢 黃連 川芎 薄荷葉各五錢

共為末滴水以丸如粟米大竹葉湯下

敗毒散

治小兒傷寒瘟疫風濕頭目昏眩四肢痛憎寒壯熱項強目睛疼尋常風眩拘攣風痰身體項疼及寒壅咳嗽鼻塞聲重寒熱並治之

柴胡洗去蘆 前胡 川芎 枳殼炒 羌活

川獨活 白茯苓 桔梗炒 人參各一兩

甘草半兩

右為粗末每服二錢生薑薄荷煎加地骨皮天麻或剉散加蟬蛻防風

治驚熱可加芍藥乾葛黃芩

無汗加麻黃

四順清涼飲

治小兒血脈壅實臟腑蓄熱類赤多渴五心煩躁

睡臥不安四肢驚掣及因乳哺不時寒溫失度令

兒血氣不順腸胃不調小便少大便澀或溫壯連

帶欲成伏熱或壯熱不歇欲發驚癇治風熱結核

頭面瘡癤目赤咽痛瘡疹毒一切壅滯並宜服之

赤芍藥 當歸 甘草 大黃各等分

右剉散三歲已上每服二錢水一盞煎至七分作

兩服

準繩加薄荷

治挾熱瀉不止加木香大黃用煨

欲利小便用赤芍藥準繩加燈心木通

虛熱加甘草

不利減大黃

冒風邪加去節麻黃

中風體強眼睛上視加獨活量兒大小虛實加減

微瀉利為度可加荊芥

柴胡散

治小兒傷寒無汗有表證壯熱頭疼身體痛口乾

煩渴小便赤大便閉澀夾驚腮腫

石膏 黃芩 甘草 赤芍藥 葛根各二錢半

麻黃去節 柴胡半兩

右剉散三歲兒每服二錢水一小盞生薑少許葱

白三寸豆豉一撮煎六分溫服

茵陳湯

治陽明病發熱汗出者此為熱越不能發也但頭

汗出身無汗齊頸而還小便不利渴飲水漿者此

為瘧熱在裏身必發黃傷寒七八日身黃如橘色

小便不利腹微滿者

茵陳嫩者一兩 大黃三錢半 梔子大者三枚

煎陳嫩者一兩

大黃三錢半 梔子大者三枚

煎陳嫩者一兩

煎陳嫩者一兩



右剉散以水一大碗先煎茵陳減半次用二味煎八分去滓溫服日三服小便當利如皂角汁狀色正赤一宿身減黃從小便中去也量大小加減

梔子蘗皮湯

治傷寒身黃發熱

梔子八枚 黃蘗一兩 甘草炙半兩

右剉散每服二錢水一盞煎六分去滓溫服

犀角散

治小兒黃疸一身盡黃

犀角鎊一兩 茵陳 乾葛 升麻 龍膽草

生地黃各半兩 寒水石七錢半

右剉散白水煎

乾葛根汁

治小兒忽發面目黃皮肉盡黃

乾葛根汁

右和蜜服

連翹赤小豆湯

治小兒傷寒發黃身熱

麻黃去節 連翹 生甘草 生薑 赤小豆

生梓白皮各二兩 杏仁四十一粒 大棗十二枚

右剉散白水煎

麥苗汁

小麥苗搗汁

右服之立效

茵陳五苓散

五苓散加茵陳湯十分五苓散五分
右二件拌勻每服一錢溫水調下日三服

常歸散

治小兒夜啼者臟寒而腹痛也面青手冷不吮乳是也宜用此方

甘草炙 桔梗 陳皮 當歸各一錢

右爲末水煎半盞時少與服之

又有熱痛亦啼叫不止夜發面赤唇焦小便赤與三黃丸人參湯下

小半夏湯

治黃疸小便色不異欲自利腹滿而喘者不可除熱熱去必噦

半夏湯洗七次

右剉散每服三錢水一盞薑一片煎七分溫服

消食丸

常服寬中快氣消乳食正顏色

縮砂炒 陳皮炒 三稜煨 蓬朮煨 神麴炒

麥芽炒 香附米泔浸一宿炒 枳殼 檳榔

烏梅各半兩 丁香二錢半

右爲末麪糊丸如茱萸大食後紫蘇湯下二十九

或三十九

小柴胡湯

治小兒傷寒潮熱少陽汗出口渴溫熱身熱惡風頭痛項強四肢煩疼往來寒熱脅痛耳聾嘔噦痰

實中暑瘧疾並服之

人參 甘草炙各三錢 黃芩二錢 柴胡八錢

半夏湯泡七次焙乾二錢半

右剉散每服二錢水一盞生薑三片棗一枚煎去滓溫服不拘時

王肯堂曰愚按前方若肝膽經風熱肝火熾盛寒熱往來日晡發熱潮熱不欲飲食或怒火口苦耳聾咳嗽或脅痛肚滿小便不利或泄瀉吐酸苦水或肢體搖動唇目抽搐及乳母有前證致兒爲患者並宜服之

葛根黃連黃芩湯

治太陽病桂枝證反下之利遂不止脈促者邪未解也喘而汗出者

葛根二兩 黃芩 黃連各七錢五分 甘草五錢

右剉散每服三錢水一盞煎七分去滓加減服喘甚加葶藶子

三黃丸

治小兒三焦積熱大渴引飲眼目赤腫口舌生瘡心膈煩躁不美飲食大小便秘澀五臟實熱或下鮮血瘡癰熱證

黃連去蘆 黃芩 大黃煨各十兩

右爲末煉蜜丸桐子大每服三十九熱水下

如臟腑壅實加服丸數小兒積熱可服

竹葉湯

治小兒傷寒發渴虛羸少氣氣逆欲吐四肢煩熱石膏二兩 半夏四錢 人參 甘草炙各二錢

麥門冬六錢去心

右剉散每服二錢水一盞青竹葉生薑各四片粳米七十粒同煎

嘔加生薑竹葉

香薷飲

治夏月中暑下咽即甦